


Кроссворда хаттараш:

ПХОРАГИА:

1. Лоамарочун фусам.
3. Коа тIара хъайба.
4. Бера маьнги.

УРАГИА:

1. Вай къаман саг.
2. БаьцовгIа.



Кроссворда дашхаргаш да
15-ча оаглон тIа.

Кроссворд оттаяй
Тоачанаькъан
Сумаяс, Сурхо тIара
ООШ, 5 «б» класс.

Дошлорг

Баьрче (я) – почетное место
в доме.

Баьчча (ва) – вождь.

Говтал (я) – бешмет.

Ешан (да) – ведьма,
старуха-колдунья.

Митал (я) – улитка.

Уст (ба) – вол.

Ферх (да) – барс.

ХумпIар (я) – кабура.

ЦIаьлцилг (да) – сверчок.

Шана (я) – морж.



Детский журнал «Селалад»
(Радуга) №12, 2025 г.

Учредитель:

ГАУ РИ «Издательский дом
«Сердало».
Издается с сентября 1986 года
на ингушском языке.

Зарегистрирован Управлением
Федеральной службы
по надзору в сфере связи,
информационных технологий
и массовых коммуникаций
по Республике Ингушетия.
Регистрационный номер
ПИ № ТУ06 - 00029
от 19 сентября 2019 г.

Главный редактор
Гагиева М.М.

Художник: Д. Гудантова
Дизайн: И. Курскиев

Сдано в набор 11.12.2025 г.
Подписано к печати 22.12.2025 г.
Дата выхода в свет 29.12.2025 г.
Формат 60x84 1/8.
Бумага офсетная.
Печать офсетная.
Уч.-изд. л. 2,2.
Тираж 2000.

Адрес редакции и издателя:
386101, Республика Ингушетия,
г. Назрань, пр. И. Базоркина, 60.
Сайт: selaad.ru.
Email: selaad.ri@mail.ru
Телефон: 8 (8734) 77-11-84.

Отпечатано
в ООО «Бланкиздат»,
357600, Ставропольский край,
г. Ессентуки, ул. Никольская, 5.



№ 12 2025
Оаглой бутт



Шоане.

Фото: Т. Агиров



Хьоашаланаькъан Iaьла

Йоккха митал

Митал, митал,
Хьо хьалглаттал!
Ia тIаювхал
даьре гловтал.

Ia тIадувхал
чиллан чокхи.
Ia тIатиллал
ега хьай кий.

Кертах дехкал
хьаьса шовлакх.
Кога ювхал
совра пашмакх.



Вай хIанз гIоргда
цIаьпцилг долча.
Цига хургва
цIеза баьчча.

Фата етташ,
зурма лекхаш,
хьаьший хургба
шун тIа бекаш.

Халхадаргда
Хоза вай шиь.
Цец-амагIа
баргба хьаьший.

ГIанкарваргва
цIеза баьчча.
Iохоаергья
цо хьо баьрче.


Сона лургья
дошо мидал,
я хьо, аргда,
Йоккха митал.



Гуданганаькъан Д. сурт

Аркъала ца йижача сигале ца гур.

(eхячх)



Дахача хана улл, леча хана уд.

(лоа)



Пхе веший юкъара ков.

(Tlarpьokь)



Чура цIенда араваьлча доха цIа.

(члф)

Кроссворда дашхаргаш:

ПХОРАГИА: 1. ГIала. 3. УстагIа. 4. Ага.

УРАГИА: 1. ГIалгIа. 3. КIотарг.

Гуданганаькъан Д. сурт



Ахархой кхели

Цхъан мужгечоа, гота воаллаш, лаьттах йоалла ганз кораяьй. Цох бек-хам беш, Лаьттан тIа хIара дийнахьа зизай цхьацца кIорап дуллаш хиннад цо. Цигга тIаенача кхело-кхолламо аьннад:

- Воше, аз хьайна даьча совгIа-тах, баркал Лаьттанна хIана оал Ia? Со ма йий хьона из совгIат даьр, хьо хьал долаш хургволаш. Нагахьа санна гIулакх кхыча беса даларе-м, хье кье-миска воалларе-м сона тIалаткь-аргвар хьо, кхела Iотбаккхараш еш.

КIоанолго хьалхадоккх, шийна гIо даьр малав ховш, цунна хоастам беш а хьоасталуш а хила веза саг.

Гуданганькъан Д. сурташ

ЖIалийи фусам-даи

Цхъан сага доалахьа хиннад мальтийски жIалиги вири. Цу жIалеца даим коа ловзаш хиннав фусам-да, делкьийна мук дуача хана. Даара чIегилгаш тувсаш хиннай цо жIалена. ТIакхийте уж дIа а кхаьке, фусам-даьна хьесталуш хиннад вож. Цох хьегаш, юстаро Iеш дола вир а доладеннад фусам-даьца ловза. Вокхо, эгIазваха, гIадж етгаш, эkkхадатад вир, цул тIехьагIа хьай тIа дIадехкийтад.

КIоанолго яхачох, Iаламо массадолча хIаманна цхьатарра еннаяц бокьонаш.

Таржам даьр
Iарчакханаькъан Сали.



Iан белгалонаш

Iа тIаденад,
Шийла мух хьекхаш,
Соалоз леп цу тIа
Шана мо текхаш.

Лоа да, ца соцаш,
ТIера Iолегаш;
Жовхьараш санна
Малх болча кьегаш.

Шийла я бийсаш,
Сийрда да денош,
Кьоаной мо кIай да
Деррига цIенош.

Овшанаькъан Халит,
Сурхо тIара ООШ,
5 «б» класс.



Далганаькъан Алией сурт,
гI. Наьсаре, УЦ «Дийлла дуне».

Са воша

Са вошилг ва
Соца дика,
Новкьа яйча
Шийна тика,

Кходац сона
Эппаз, шай -
Эц цо сона
Маха, тай.

Юхатетте
Керзадар,
Эц цо сона
Мерзадар.

Хидренаькъан Сунап,
Сурхо тIара ООШ,
5 «в» класс.



Овшанаькъан Ислам сурт,
гI. Наьсаре, УЦ «Дийлла дуне».


Фу маIан да хумIар яхача деша?

Вай къаман метта юкъе дале а, хумIар яха дош довзаш бац дукха нах. Из белггала фуд ховш, довзаш хул тIема гIу-лакхаца, бокъонаш лораерий мугIарашка болх бераш. Вешта аьлча, герз леладеча наха хов цу деша маIан миштад. ПалгIай меттала цун маIан да - тепча Iочуехкаш бола ботт. Эрсий меттала аьлча, кобура я из. Аз дукха тийхкад из дош, мичара да ха гIерташ. Хетаргахьа, из хьадоагIа узбеки меттацара, хIана аьлча хумпар цар меттала доккхача хьаькъала да воаца саг яхилга да. Цун овла хум ба. Из яьсса кIудал яхилга да. ХIанз дукхагIа теш хьо, из вай метта юкъе узбекашкара дена хиларах. Цхьаболча вай къаьнача йоазонхоша шоай йоазошка цунна когаметта кIопилг яха дош леладаьд. Цу

тайпара моттиг гу вайна МутаIаланаькъан Хьажбикара «Макха царг» яхача дувцар тIа.

Карарча хана из дош вай дошлоргаш тIа долаш а да, из цахар дошлоргаш цадешилга да. Мишта леладе йиш я из дош? Ала йиш я: «Бокъонаш лораеча сага хаьн тIа хумIар йоаллар, цу чу лелайора цо тепча»; «Сомача телатах яь яр эпсара герз чу-даьлла хумIар»; «ХумIарашка йоахкаш яр тика чу йохкаш хинна берий тепчаш».

Йоазонхоша, хьехархоша, журналисташа дукхагIа из метта юкъе мел леладу, дувцаш дола дош шерагIа дIадаржаргда, чIоагIлургда тайп-тайпара ханаш йолча наьха кхетамашка.



Гудантанаькъан Д. сурт

Куштанаькъан Сосе Ахьмад

Куштанаькъан Сосе Ахьмад ваьв 1936 шера кIимарса бетта 2-ча дийнахьа Буро тIа. Кхувш воагIача хана, лора болх бе вIалла дага а хиннава-цар из. Бера хана хулаш ма хиллара, цхьацца лакхара уйлаш яр цун. Инженер-изобретатель хила лаьрхIа лелаш волча цунца, цхьан дийнахьа цу хьаьхьа лаьрххIа къамаьл ду дас. Вешта аьлча, цо дIахайтар воIа ший лоIам миштаб. Ахьмадах лор хиларга сатувсаш вар из. Лорий дешар дийша веце а, кулг дарбане долаш, цхьацца говзал йолаш хиннав Соси ше а.

1946 шера хиннад из. Дас цхьа хьехар ду кIаьнка. Цо яхачох, вIаштта кхаь шера бIаьстан юхье бIехала цIока, бисмал а даьккха, кулгашка хьокхае езаш вар из. Цу тайпара хIама дича, лорал доаллаш дола кулг аьттув болаш хул оалар. 1959 шера берригача мехка боаржабаь, шерра дIахьош хиннаб профориентацеца бувзабенна болх. Шийна езаш йола балха говзал харжа йиш йолаш хиннав хIара. Цу хьаьхьа воI дагавоал наьнаца, хIаьта тIеххьарчо дагабохийт даь лоIам. Иштта вода вай мехкахо лорий дешар деша. Юххьанца, 1956 шера, Алма-Ате; цул тIехьагIа, 1957 шера, Буро тIа дешаш хул из. Дийша ваьлча, зIамига саг эггара хьалха Наьсаре кхаьчар. Дика лораш кIезига хиннаб цу хана вайцига. Бакьдар аьлча, уж дукхагIа хилийгара сагота волаш саг а хиннавац. Буро чурча больницен коа ваха моттиг лу къонача специалиста. Юххьанца цох хул хирург. Ахьмада дийнахьа 2-3 сахьата болх бе безар поликлинике. Из Наьсаре яр. Цигара ваьлча, гIаш Буро чу водар, сахиллалца болх беш хулар цигарча больнице. Иштта лелаш-хьувзаш, цунга хоам боагIа Ленинграде онкологех йолча ординатуре вахийта таро хиларах. Шин шера хила везар цига. Ше цига яьккхача хана, из Iомавелар наха юкъе лелача, цIийоацар оалача лазарашта дарбаш де. Иштта кхоач из Шолжа-ГIалий тIарча №2 йолча дарбанчен онколога дарже.

1985 шера онкологе отделени хьаелл Шолжа-ГIалий тIарча 9-ча дарбанче, хIаьта вай мехкахо цунна керте а оттаву. Цунца цхьана цох ву НГIАС-СР унахIенон министерствон керттера онколог. Цо хьийга къа теркал а деш, 2002 шера цунна елар «КарагIдаьннарах» оала вай республикан орден, кхы а ши шу даьлча «ГIалгIай Республикан гIорваьнна лор» яха цIи лу цунна. ТIаккха цун совгIаташ тIа IотIакхийтар «Россе гIорваьнна лор» яха цIи а. Куштанаькъан Ахьмад вар респбликан дарбанчен онколог, онкологически диспансера лор. Медицински факультете деша багIарашта диагноз оттаяр кердача хьисапе хьехаргдола болх беш хиннав из укх тIеххьарча шерашка. Цу лостамагIа къахьегача лорашта эшаргдола книжка а, из дIа мишта хьеха деза дувца методически кулгал а яздаьд цо.

Кхелхав Сосе Ахьмад 2025 шера тов бетта, ший 90-гIа шу долча хана.



Маматанакъан Марет

Дахчан соалоз

Салман ваглар уйла еш:
Фу деш вагла со ,хлама ца деш?
Хьатлабоагла лайчилла бутт,
Хеталора лан сурт.

Аьшка соалоз пайдана яц,
Со из хахка раьза вац!
Шаьра яц из, ийцар ахчах,
Аз ергя сайна соалоз дахчах...

Длаэттав из соалоз е,
Шийна эшар хьагулде.
Ардакх хоадае эш херх,
Царгаш херха хилар аьрхла.

Хлаьта Салман, дог ца эккхаш,
Юхайнав ирье уж царгаш.
Шаьра хургя цун дахчан соалоз,
Хьокхаргба цо цунна боалоз.

Хьокхаш херх а, тлаккха фаттан...
Фу деш ваьглав хац ше ахканна!
Басар хьекха, кийча я.
Боалоз хьекха, шаьра я.

Дахчан соалоз яь ваьлар,
Лайчилла бутт длабаьлар.
Хьакхаьчар из шийла чантар,
Сиха йоагла са соалоз
Гув тлара.



Гудантанакъан Д. сурт

Iарчакханаькъана Сали

Гуйре

Лоамашка гIолла лел вай,
Сигале латт
Шортта екхаш.
Бийса лел, тIехьабиса
Етт мо,
Мерий чу тIаьда мотт хьекхаш.

Ia

Ia тIаденад лоамашка,
Борз санна цIайза,
Наха тIабийхаб кIархаш.
Хьун чура араяьнна
Ферхаш мо,
Новкъа яда шах хинна тархаш.

Гудантанакъан Д. сурт

Іарчакханаькъан Сали

«Тіоараш детта Іомалуш латт...»

Концерте вена вагІача
Іне аьннад:

- Ма дика болх ба ер ар-
тисташ болаш!..

- ХІана ях Іа? - хаьтгад
Яне.

- Акхарга хьажа а ухаш,
тіоараш детта Іомалуш латт
со, - яьхад Іне.



«ЮхавоагІаш Іоваргва хьо...»

Автобуса чу вагІача воккхача сага аьннад:
- КІаьнк, юртара аравоалача соцайталахь
машин.

- Сагот ма де Іа, воти, парагІата вагІалахь.
Соцайтаргья хьона...

Цхьа ха яьлча, хаьтгад кьоаночо:

- ДІакхаьчадий вай юрта йисте?

- Э-э, воти, вицвеннавар со. Дукха ха я вай
юртара арадаьнна. ЮхавоагІаш Іоваргва хьо, -
яьхад Яне.



Гудантанькъан Д. сурташ

Ци фу тулларгья?

Дукха ха яр Яхьяс цискага сатувса.
Шийна моллагІа цхьа циск доаладар дехаш,
хьесталора из наьнага. «Дийнат леладар
чІоагІа бехктокхаме да, сона хац вай цун-
на доагІача тайпара доал де вІаштІехьа-
даргдий, - оалар нанас. - Нагахьа санна вай
цунна доагІа доал ца дойя, цун кьа хургда
вайна».

Циск ший хилча, цул дикагІа, цул боча-
гІа цхьаккха хІама хулийтаргдацар ше, оа-
лар Яхьяс. Ховргда вайна, аьле мара, кхы
хаьдда жоп луцар нанас. ХІаьта цхьан дий-
нахьа, дагадоацаш, ше тика гІа яха чуйоа-
гІаш, дикка ондаяьнна циска кІориг ера по
кІаьнка. Дувцилга дацар Яхььяй гІадвахар.
Овкьара беса, юкь-юкье пхорагІа Іаьржа
шувнаш а ухаш, цаІ баьццареи цаІ сийнеи,
тайп-тайпара бІаргаш долаш, тамашийна
цициг дар из. Из мо дар вІалла бІарга а
дайнадацар Яхььяйна.

Цунца ловзаш, сакьердаш из бера дІа
ца хецаш, сайранга вахар кІаьнк. Шолла-
гІча дийнахьа ший даьца цхьана, каьхата
йоккхача кІопилгах ниІ а кор а даьккха,
тІехьа тхов а тилла, цІалг дир цар циска.
ЦІалг хозагІа хургдолаш, цунна тІехнахьа
хоза зизаш латташ, пенах детташ дола
сома каьхат техар. ХІама даа кад а отта-
бир цІалга юхе. Цу чу цунна кІаьда хургй-
олаш, гІайбилг дІачубиллар. Ше балхах
мел воалл, цицигах малагІа цІи тулларгья
уйла йора кІаьнка. Даьца дагавувлар. ХІаь-
та шоашта шиннена а хоза хеташ цІи хар-
жа вІаштІехьадаланзар цар. Цу деша кхы а
уйла е лаьрхІар цар. ХІанзарчоа цици дар
из.

Уж цІалг деш мел боахк царна гонахьа
кхийста цици, цІалг даь доаллашехь, цу чу
дІачуийккха, Іодижа, цу сахьате тхьайсар.

Шоаш даьца баьча балха а, ший цицена а
чІоагІа раьза волаш, цунах малагІа цІи тул-

ларгья кхы а дукха уйлаш яь, дІатхьай-
сар Яхьья а.

ЦІаьхха, цици дайна сагота хьайзар
из. ЦІагІа мел йолча миІинге хьежача,
кораданзар. ТІаккха коа араваьлар, цици
лаха. Ара саьрг мо догІа делхар. Коа
отара кІалха цхьан саьн чу, кхераделча
санна тебба дагІаш корадир цунна цици.
Шийна из корадарах гІадваха сиха хьа-
мархІаделлача, тІаьда а меца а хийтар
цунна из. Цул совгІа, цхьа тамашийна
дайденна, гІелденна дар цици. Цамогаш
а меца а хийтар цунна из. Ший цици
мархІа а делла, цІагІа дІачувоаллаше,
сомайккхар Яхьья. Кхийтар из шийна
дайнар гІа долга. Из гІа хиларах, цкьар-
чоа чІоагІа гІадвахар из. ТІаккха, сиха
хьальбура а ийккха, циска фусам йолча
цІагІа Іочуведар, шийна гІанахьа дай-
нар бакь хилар кхераш, сихагІа из долча
кхача ловш.

Бургац санна гергденна, ший цІал-
га чу тхьайса уллар цициг. ГІадвахар
Яхьья, ший цици иштта маьрша бІарга-
дайча. ХІаьта Бургац аьнна, цІи тиллар
цо цицех.



Гудантанькъан Д. сурт

ЮвргIага хъежже Юбахийта ког.

Хъа гийг езачоа, хъо а веза.

Барзкъанга хъежже магIаваккха, кертага хъежже эгIаваккха.

Техъашка хъеже мара дош ма ала, хълхаш-
ка хъеже мара ког ма ловза.

Шийна тIера вир-говр дайнадац, наха тIера хенжа-меза байнаб.

Виза вар аьле, кхача боацаш а ма гIо; йийкха
яр аьле, кхоллар доацаш а ма гIо.

Лохига саг дегала хул.

Туро цаI мара вийнавац, метто эзар вийнав.

Хац, дац - цхъа дош; хайра, дайра - эзар дош.

Гудантанакъан Д. сурт

Хъоара бурилг

Цкъа дадас аьннад нанайга:
- Герга кхача хъокхабе вайна.
- Хъоар доаца цхъа клира да вайга, -
Жоп деннад, из кхето лайна.

- Iомехкадий истола дIачу-хъачу хъажа, -
Аьннад дIахо шийгарча аргIагIа вокхо.
Падъяхай из, хоза бурилг бебежа,
Кхерзаб тIаккха йоагача пешко.

Цигга шелбалийта биллаб кора тIа -
Кхоссабенна уй тIа баьнна, керчаб.
Бодаш, бодаш кхаьчаб из чана тIа,
Укхангахъа вокхо бIарглийкхаб.

Кхийттай бурилг, ше баа йоаллилга,
Лоацца илли даьккхад цун шинна лерга:
«Со беддаб ца хоатташ дадайга, нанайга,
Хъох а, дегIадале, бедда гаьнабаргба».

Чано кхы низ баьбац бодачунна.
ДIахо кхет цунах сира, меца борз.
ЦIаькха йиш лекхай, бахаб цох гаьнна.
Духьалдаьннад хIанз цогал, айеш оаз.

Цунна а шозза даьккхад ший говза илли,
Геттара ладувгIа кеп гойт лепача цоге,
Хайтад: "Могаш доацаш да са лергаш,
Са мерий тIа а ийккхе, айдел кулги коги".

Кхоссабенна бурилг сецаб цун бIаргашта кIалха,
Сеттад из, ше лергдилла ладувгIа доаллаш санна.
ТIаккха баге айяьй, бIарчча йолашше дIакхалла,
Говза хила гIийртача бурилгах товр деш ший ченна.

Гудантанакъан Д. сурт

Джаьнтелг

Бахаш хиннаб Джаьнтелги цун ши доттаглей. Майралца, деналца цихеза хиннаб уж. Джаьнтелг тхьамада а волаш, мел долча дуненна готийсаб цар. Цкьа гаьннарча дунен тла болхаш са а дайна, эрий ара, бийса яккха моттиг йоацаш, бисаб ераш. Мича длатарлург-дар-хьогл вай, яхаш, ераш лелача хана, бларгадайнад акхарна лаьттан чу ю-чудода доккха лург. Чухьежача, баьде хиннай цу чу.

- Долле, цу лургах лочу а даьнна, бийса яккха хьожаргда вай, - аьннад Джаьнтелга.

- Ца дахача бакьахьа дар вай, кхераме да из: цу чу фуд мича хов вайна, - аьннад новкьосташа.

- Ер дуне толадеш лела со, Джаьнтелг-м, глоргва цу чу, - аьнна, лочувола-веннав из.

Цунна тлехьа новкьостий а бахаб. Клезига болхаш, дукха болхаш, цхьа сердало бларгайнай акхарна. Ераш длатлакхьача, доккха ешап бларгадайнад, дижа уллаш. Ше уллачара хьалхай а денна, циска бларгаш кьоарза а даь, царгаш хьокха а яь, хаьттад цо:

- Фу эш шоана? Сенна даьхкад шо?

- Кьаденна ешап, хьа ций мала даьхкад тхо, - майрра аьннад, длахьал-ха а ваьнна, Джаьнтелга.

- Низ тоьаргбац шун са ций мала. Со-се да шо мо тинна лелача наьха ций мелаш, - аьнна, ешапа хьайийллай шийна тлехьашка латта налараш.

Новкьостий длачухьежача, бларга-байнаб акхарна кховзткьа кхоь корта.

- Аз ций меннача наьха кортош да шоана ераш. Шул дикагла кьонахий а бар царна юкье, - аьннад ешапа.

- А, мичара, хьа ций мала даьх-

кадац тхо! Оаха-м бегаш баьбар. Жи! Фуннагла яле а, цхьа яа хлама кийч а йийя, бийса яккха моттиг кийчьел тхона.

Дладеннача ешапа, етт а бийна, яь чу бахийта из кхехка а баь, пхьор ду-адаьд новкьосташта. Юбувша аьнна мотт а биллаб.

Длабийшаб новкьостий. Хлаьта Джаьнтелг тхьайса волаш санна кеп а оттаяь, саькхо ладувглаш уллаш хин-нав. Клезига ха йоалаш, дукха ха йоа-лаш, цхьа тата хезад цунна. Шорттига ший цхьа бларг а бийлла длахьежача, бларгадайнад Джаьнтелга доккха урс, «чларх-чларх», яхаш, ший царгех ирдеш дагла ешап. Шорттига млишка яьй укхо ший новкьосташта. Из бларгагушшехь, кхерабенна новкьостий бос а баха, хьоа а ца луш, таккхалча ихкаб. Ераш ухкача оаглорахьа хьа а хьежа, хаьттад ешапо:

- Тхьайсар малав, тхьовсанза малав?

- Тхьовсанза со, Джаьнтелг, ва!

- Хлана тхьовсац хьо?

- Наб яглац сона: со цлагла волча хана, са нанас кхаьра уст а буабийя, ву-жавора со.

Кхаьра уст а боалабаь, бийна из кийч а баь, буабаьб цо Джаьнтелга. Хлама юаргйолаш-м Джаьнтелг а хин-нав. Дикка дулх а дия, юха а ший метта ловижав. Тхьовра санна, «чларх-чларх», яхаш, ший царгех урс ир а даь, хаьттад ешапо:

- Тхьайсар малав, тхьовсанза малав?

- Тхьовсанза со, Джаьнтелг, ва!

- Наб е хьайна, хлана тхьовсац хьо?

- Иштта наб ца йоаглаш уллер со.

Цлагла волча хана, са нанас пхьора кхаьра уст буабаьчул тлехьагла, уст бо-дача яь чу шурий тла хьоара худар дора сона, - аьннад Джаьнтелга.

Уст бодача яь чу шура лочу а етта, хьоар чуухташ, песаца из кегадеш, худар де эттад ешап. Кастта булкьаш бе доладеннад худар. Ешап яьна лотла-дийрза доаллача хана, шорттига длатла а ваха; Джаьнтелга, тлехьашкара мларга теха, худара яь чу дахийтад ешап. Блар-гаш а дайна, деррига дегл а доагадаь,

ценьюкье глolla, мухь а бетташ, хьало ада доладеннад ешап. Ший хаьнара тур а даьккха, эзар даькилг даьд Джаьнтелга цу ешапа деглах. Цох lo мел иха ций длатлатехад цо налара тлехьашка уллача кьовзткьа кхаь керта. Дийнбен-на, царех нах хинна длаайттаб.

Ший зовза ши доттагла эьккха а ваь, уж кьовзткьа кхоь шийна тлехьа а ваьккха, цу блуна ше хьалха а волаш, волавенна вахав Джаьнтелг длахо дуне тахка.

